

Na osnovu člana 15. Zakona o principima lokalne samouprave u Federaciji BiH („Službene novine Federacije BiH“, br.: 49/06 i 51/09), člana 16 i 17 Zakona o poticaju razvoja male privrede („Službene novine Kantona Sarajevo“, br. 29/15), člana 81. Statuta Općine Novi Grad Sarajevo („Službene novine Kantona Sarajevo“, br: 30/09 - novi prečišćeni tekst i broj: 2/17), Odluke o usvajanju revidirane Strategije razvoja Općine Novi Grad Sarajevo (2014-2020.) sa Akcionim planom prioriternih projekata i mjera za period 2017-2020. godine („Službene novine Kantona Sarajevo“, br: 18/17) i člana 7 Odluke o podsticajima privredi i zapošljavanju na teritoriji općine Novi Grad Sarajevo („Službene novine Kantona Sarajevo“, br: 11/18), a na prijedlog Službe za privredu i lokalni ekonomski razvoj, Općinski načelnik donosi:

**PRAVILNIK
O KORISNICIMA, KRITERIJIMA I NAČINU PROVEDBE
ODLUKE O PODSTICAJIMA PRIVREDI I ZAPOŠLJAVANJU NA TERITORIJI
OPĆINE NOVI GRAD SARAJEVO**

**Član 1.
(Predmet Pravilnika)**

Pravilnikom o korisnicima, kriterijima i načinu provedbe Odluke o podsticajima privredi i zapošljavanju na teritoriji općine Novi Grad Sarajevo (u daljem tekstu: Pravilnik) utvrđuju se procedure provedbe navedene Odluke, korisnici, način i prava apliciranja korisnika, utvrđivanje rang liste korisnika i uslovi sticanja prava na isplatu podsticaja.

Pravilnikom se detaljnije obrađuje svaka pojedinačna podsticajna mjera, koja čini sastavni dio Odluke o podsticajima privredi i zapošljavanju (u daljem tekstu: Odluka):

1. Podsticaj privrednim subjektima putem regresiranja dijela kamatne stope
2. Podsticaj START UP firmama putem regresiranja dijela kamatne stope uz mogućnost korištenja kreditno-garantnog fonda
3. Sufinansiranje zapošljavanja pripravnika
4. Sufinansiranje obuke nezaposlenih osoba za poznatog poslodavca
5. Sufinansiranje troškova samostalnih poduzetnika - početnika u biznisu
6. Podrška za uvođenje certifikata, međunarodnih standarda i dr.
7. Podrška očuvanju starih tradicionalnih zanata, obrta i deficitarnih zanimanja
8. Promocija privrede i lokalnog ekonomskog razvoja
9. Projekti od značaja za lokalni ekonomski razvoj (učešće u domaćim i međunarodnim projektima iz oblasti privrede i zapošljavanja, partnerski projekti s drugim institucijama, JU Službom za zapošljavanje Kantona Sarajevo, organizacijama i poslodavcima, organizovanje nagradnog fonda za finansiranje najboljih biznis planova, organizacija sajmova i drugo shodno aktuelnim potrebama),

**„Podsticaj privrednim subjektima putem regresiranja
dijela kamatne stope“**

**Član 2.
(Procedura provedbe mjere)**

Općina Novi Grad Sarajevo (u daljem tekstu: Općina) raspisuje javni poziv za odabir banke. Komisija imenovana rješenjem Općinskog načelnika, predlaže najpovoljniju ponudu, a potom se sklapa Ugovor s odabranom Bankom. Ova podsticajna mjera ima za cilj pružiti podršku privredi u očuvanju postojećih i generisanju novih radnih mjesta.

Obaveze odabrane banke su: procedure odabira korisnika finansiranja, plasman kredita, monitoring i utvrđivanje ispunjenja uslova za isplatu subvencije obračunatog dijela kamatne stope te kontinuirano izvještavanje o zajedničkoj kreditnoj liniji.

Član 3 (Kriteriji za odabir banke)

Ponude banaka će se cijeliti prema sljedećim kriterijima, a u skladu s dodijeljenim procentima:

- a) Projekat implementacije – 55 % (visina sredstava za kreditnu liniju, visina kamatne stope za klijenta, troškovi obrade kredita, monitoring i izvještavanje, promocija i marketing)
- b) Reference banke sa predhodnom godinom – 15 % (dionički kapital banke min. 80 miliona KM, volumen rasta aktive min. 10 % u predhodnoj godini u odnosu na onu prije nje, postojanje filijale / poslovnice banke na području općine Novi Grad Sarajevo)
- c) Iskustvo u implementaciji namjenskih kreditnih linija – 20 % (broj namjenskih linija, ukupni portfolio banke po namjenskim linijama, iskustvo u implementaciji namjenskih kreditnih linija iz budžeta lokalne samouprave)
- d) dodatni prijedlog / projekat koji će doprinijeti pružanju kvalitetnije podrške privrednicima / korisnicima kreditne linije- 10 %

Član 4 (Kamatna stopa)

Visina kamatne stope, kao i naknada za obradu kredita je definisana ponudom odabrane Banke, dok 4 % kamatne stope na godišnjem nivou regresira Općina.

Član 5 (Korisnici sredstava)

Shodno procedurama za kreditiranje, listu korisnika bira javno odabrana Banka i to:

- privredna društva registrovana na nivou Suda (d.o.o., d.d. i dr) i
- samostalne poduzetnike registrovane u nadležnoj Općini (obrti i srodne djelatnosti, trgovine i ugostitelji)

u skladu s važećim zakonskim propisima, sa većinskim dijelom u privatnom vlasništvu, a koji imaju sjedište, poslovnicu ili su u procesu preregistracije poslovanja na teritoriji općine Novi Grad Sarajevo.

Državne institucije, neprofitne fondacije, udruženja i organizacije, kao i sve vrste finansijskih institucija uključujući i banke se ne mogu finansirati iz ove kreditne linije, te ne mogu ostvariti prava na subvenciju kamate.

Član 6 (Posebni uslovi sticanja prava na isplatu subvencije)

Nakon odobrenog finansiranja, koja ne mogu biti duža od 7 godina, Korisnik kredita stiče pravo na isplatu subvencije, po uplati anuiteta i ispunjenju posebnih uslova:

- dokazu o očuvanju istog broja radnih mjesta kao prije kreditiranja za kredite do 100.000 KM,
- i zapošljavanju po 1 nove osobe na svakih 100.000 KM isplaćenog kredita.

Član 7 (Proces isplate subvencija)

Banka vrši monitoring Korisnika sredstava, kontrolise ispunjenje potrebnih uslova za isplatu subvencije putem dokazne dokumentacije i to Specifikacije o isplati plaća - Obrazac 2001 i 2001 A (ukoliko poslovni subjekat upošljava osobe i sa prebivalištem u Republici Srpskoj), o istom obavještava Općinu, te vrši isplatu subvencije, odmah nakon priliva sredstava na račun Banke od strane Općine.

Član 8
(Način finansiranja)

Sredstva iz Budžeta Općine se izvršavaju shodno zahtjevu Banke za regresiranje dijela kamatne stope krajnjim korisnicima uz tehnički podršku Službe za privredu i lokalni ekonomski razvoj.

„Podsticaj START UP firmama putem regresiranja dijela kamatne stope uz mogućnost korištenja Kreditno-garantnog fonda“

Član 9

Cilj ove podsticajne mjere jeste pružanje podrške početnicima u biznisu kako bi lakše došli do potrebnih izvora finansiranja svojih poslovnih ideja, odnosno novoregistrovanih biznisa. Mjera se realizuje na način da Općina s javno odabranom najpovoljnijom Bankom potpisuje Ugovor o poslovnoj saradnji, gdje imenovana Banka početnicima u biznisu plasira kreditna sredstva koja ne mogu biti veća od 20.000 KM po aplikantu, uz rok otplate do maksimalno 5 godina, pri čemu Općina subvencionira dio kamatne stope u iznosu od 4 %.

Početnicima u biznisu također na raspolaganju stoji i mogućnost korištenja Kreditno-garantnog fonda koji služi za pokriće dijela kreditnog rizika i koji je raspoloživ u slučaju neurednog servisiranja obaveza od strane klijenata.

Procedure provedbe ove podsticajne mjere, kriteriji za odabir banke, kamatna stopa i proces isplate subvencija su detaljno obrađeni u članovima 2, 3, 4 i 7 ovog Pravilnika.

Član 10
(Obezbeđenje od rizika)

Općina i odabrana banka finansiranje početnika u biznisu vrše po principu Kreditno-garantnog fonda uz obezbeđenje sredstava po kreditnom riziku u jednakim omjerima, a najviše do 50 % ukupnog potraživanja prema klijentu.

U slučaju aktiviranja sredstava namjenjenih za pokriće kreditnog rizika, Banka će Općini dostaviti zahtjev koji će sadržavati informaciju o pripadajućem iznosu koji je Općina dužna uplatiti na račun Banke i dokaz o pokriću jednakog iznosa od strane Banke po istom finansiranju.

Član 11
(Korisnici mjere)

Shodno procedurama za kreditiranje, listu korisnika - START-UP-a bira javno odabrana Banka i to:

- samostalne poduzetnike i privredna društva sa sjedištem na teritoriji općine Novi Grad Sarajevo
- fizička lica koja imaju prebivalište ili se nalaze na evidenciji nezaposlenih Općine, uz referentan biznis plan, a za koji Banka i Općina ocijene da je prihvatljiv u smislu utrživosti proizvoda/usluge.

Pod START UP-om- početnikom u biznisu se podrazumijeva fizičko, odnosno pravno lica osnovano unazad godinu dana.

Član 12
(Posebni uslovi sticanja prava na isplatu subvencije)

Tek nakon izvršene registracije kod nadležnog organa, samostalni poduzetnik/privredno društvo stiče pravo na odobrenje kreditnih sredstava.

Po odobrenom finansiranju, Korisnik kredita stiče pravo na isplatu subvencije, po uplati anuiteta i dostavljanju dokazne dokumentacije kojom dokumentuje ispunjenje posebnih uslova:

- lica koja su se registrovala kao samostalni poduzetnici na nivou Općine trebaju zadržati postojeći broj zaposlenika koji su imali u momentu odobrenja kredita,
- lica koja su se registrovala kao privredna društva trebaju:
 - ❖ za kredite s rokom otplate do 3 godine zadržati postojeći broj zaposlenika koji su imali u momentu odobrenja kreditiranja,
 - ❖ a za kredite s rokom otplate od 3-5 godina uposliti 1 novu osobu.

Član 13 (Način finansiranja)

Sredstva iz Budžeta Općine se izvršavaju shodno zahtjevu Banke za regresiranje dijela kamatne stope krajnjim korisnicima uz tehnički podršku Službe za privredu i lokalni ekonomski razvoj, te za deponovanje u Kreditno-garantni fond za potrebe obezbjeđenja dijela rizika naplate kredita za START UP biznise.

Sufinansiranje zapošljavanja pripravnika

Član 14 (Procedura provedbe mjere)

Podsticajna mjera „Sufinansiranje zapošljavanja pripravnika,, se provodi na osnovu potpisanog Memoranduma o razumijevanju i saradnji sa JU Službom za zapošljavanje Kantona Sarajevo, a kojim je definisan način provođenja aktivnosti. Mjera podrazumijeva finansiranje prvog zaposlenja za određeni broj pripravnika sa teritorije općine Novi Grad Sarajevo kod poslodavca koji su aplicirali na javni poziv Službe, odnosno Općine, a putem mjesečnih isplata podsticaja za potrebe sufinansiranja troškova bruto plaća pripravnika (od 6 do 12 mjeseci u zavisnosti od stručne spreme).

Ključni cilj mjere jeste intenzivirati dinamiku sticanja prvog radnog iskustva, povećati konkurentnost pripravnika, kao i broj onih koji po okončanju pripravnčkog staža ostaju u radnom odnosu.

Služba za privredu i lokalni ekonomski razvoj obezbjeđuje već bodovanu listu privrednih društava, samostalnih poduzetnika i ostalih poslodavaca, koji su iskazali potrebu za pripravicima i zadovoljili kriterije po Javnom pozivu JU Službe za zapošljavanje KS (u daljem tekstu: Služba).

U slučaju nedovoljnog broja obezbjeđenih poslodavaca, Općina Novi Grad Sarajevo, po preuzetim procedurama i Memorandumom o saradnji s Službom, objavljuje javni poziv poslodavcima da se prijave za sufinansiranje pripravnika, te sa onima koji zadovolje tražene uslove, potpisuje Ugovore o sufinansiranju pripravnika, a shodno raspoloživim finansijskim sredstvima u tekućem Budžetu Općine.

Član 15 (Bodovanje poslodavaca- korisnika mjere)

Preuzeta odobrena lista poslodavaca sa teritoriji općine Novi Grad Sarajevo se dodatno provjerava od strane Službe za privredu i lokalni ekonomski razvoj sa aspekta aktuelnosti potrebe za pripravicima i predlaže se lista za ugovaranje.

Za slučaj raspisivanja dodatnog javnog poziva poslodavcima za realizaciju podsticaja za prijem pripravnika, odabir poslodavca vršit će se na osnovu kriterija i bodovne liste usaglašene sa standardima i normativima Službe:

Djelatnost poslodavca:

- | | |
|--------------------------|--------|
| a) Proizvodnja i turizam | 4 bod |
| b) Ostale djelatnosti | 2 boda |

Sektor poslodavca:

- | | |
|------------------|--------|
| a) Realni sektor | 4 bod |
| b) Javni sektor | 2 boda |

Sjedište poslodavca:

- | | |
|----------------------------------|--------|
| a) Na općini Novi Grad Sarajevo | 4 bod |
| b) Na ostalim općinama/gradovima | 2 boda |

Nivo iskazane potrebe za pripravnicima:

- | | |
|--------------------|--------|
| a) Do 2 osobe | 1 bod |
| b) Od 3-5 osoba | 2 boda |
| c) Od 6-9 osoba | 3 boda |
| d) 10 i više osoba | 4 boda |

U slučaju da nakon vrednovanja aplikacija dva ili više poslodavaca imaju jednak broj bodova, prednost se daje poslodavcu sa sjedištem na teritoriji općine Novi Grad Sarajevo. Ako su poslodavci sa tražene općine, prednost se daje poslodavcu iz realnog sektora, a ako su iz realnog sektora, prednost se daje poslodavcu iz proizvodne i turističke djelatnosti. Ukoliko i dalje dva ili više poslodavaca imaju isti broj bodova, prednost se daje poslodavcu koji je prije podnio aplikaciju za učešće u Programu.

Liste odabranih poslodavaca se objavljuju na web stranici Općine i Službe, na osnovu jasnog proračuna o mogućem broju poslodavaca u odnosu na nivo raspoloživih budžetskih sredstva.

Član 16
(Korisnici mjere)

Korisnici ove podsticajne mjere su privredna društva i samostalni poduzetnici s teritorije općine Novi Grad Sarajevo, koji su aplicirali i ispunili uslove na Javnom pozivu Službe za zapošljavanje KS.

Za slučaj nedovoljnog broja poslodavaca, pored toga što će u obzir uzeti i listu poslodavca iz javnog sektora koji su zadovoljili uslove javnog poziva Službe, Općina će odabir poslodavaca vršiti i putem vlastitog javnog poziva usaglašenog s odredbama Službe.

Krajnji korisnici su isključivo nezaposlene osobe bez radnog iskustava evidentirane na Evidenciji nezaposlenih – Biro Novi Grad Sarajevo, a odabir za prijem istih vrše poslodavci.

Član 17
(Način finansiranja)

Budžetska sredstva za provedbu mjere se realizuju putem sklopljenog Ugovora s poslodavcima o sufinansiranju 12 mjesečnih plaća u iznosu od 600 KM za pripravnike sa VSS/VŠS i 6 mjesečnih plaća u iznosu od 500 KM za pripravnike sa SSS/ KV iz rezervisanih sredstava Bužeta Općine i ispunjenja uslova za isplatu podsticaja. Isplata podsticaja se vrši u tekućem mjesecu za predhodni mjesec.

Član 18
(Uslovi za isplatu podsticaja - dokazna dokumentacija)

Za realizaciju podsticaja odabrani poslodavac dostavlja mjesečni zahtjev Službi za privredu i lokalni ekonomski razvoj i prilaže dokaznu dokumentaciju o prijemu pripravnika i izvršenom obračunu i isplati plaća, poreza i doprinosa zaposlenim pripravniciima:

- obrazac 2001 iz Poreske uprave sa navedenim brojem zaposlenih za mjesec kada je Ugovor potpisan,
- original Ugovora o radu s pripravnikom,
- fotokopiju obrasca JS 3100 (prijava osiguranja prethodno zaprimljena i ovjerena u Poreskoj upravi) i
- uvjerenje biroa za zapošljavanje za primljenu osobu
- broj računa u poslovnoj banci na koji će se sredstva doznačiti
- i dokaza o isplati plaća, poreza i doprinosa:
 - ✓ obrazac MIP – 1023 – Mjesečni izvještaj o isplaćenim plaćama,
 - ✓ potpisana i ovjerena platna lista za plaće pripravnika koji se sufinansiraju,
 - ✓ obrazac 2001 - Specifikacija o isplati plaće za prethodni mjesec
 - ✓ i uplatnice ili kopije uplatnica za pojedinačne isplate plaća i pripadajućih poreza i doprinosa za prethodni mjesec

Sufinansiranje obuke nezaposlenih osoba za poznatog poslodavca

Član 19 (Procedura provedbe mjere)

Podsticajna mjera podrazumijeva sufinansiranje obuke, dokvalifikacije i prekvalifikacije nezaposlenih osoba sa evidencije nezaposlenih Biro Novi Grad Sarajevo za poznatog poslodavca, a s ciljem dodatnog osposobljavanja kadra i usklađivanja sa stvarnim potrebama tržišta rada. Za potrebu realizacije mjere Općina raspisuje javni poziv na koji se mogu prijaviti kako privredna društva, samostalni poduzetnici (u daljem tekstu: Poslodavac) tako i centri za obuku, dokvalifikaciju i prekvalifikaciju (u daljem tekstu: Centar). Odabrani poslodavac najčešće obuku realizuje interno u vlastitoj kompaniji, dok odabrani centri imaju zadaću obučiti nezaposlene osobe i za određeni broj pronaći adekvatnog poslodavca, koji će ih zaposliti na period do najmanje 6 mjeseci.

Član 20 (Uslovi odabira poslodavaca/ centra za obuku)

Odabir poslodavaca i centara se vrši putem javnog poziva, a na prijedlog nadležne Službe, gdje su osnovni kriteriji za odabir:

- predaja popunjene aplikacijske forme za sufinansiranje obuke, dokvalifikacije i prekvalifikacije
- spremnost za obuku i dokvalifikaciju na radnom mjestu, odnosno obuku, dokvalifikaciju i prekvalifikaciju u posebnom oraganizovanom centru do 6 mjeseci,
- dostavljanje dokazne dokumentacije i to:
 - ✓ Rješenja o registraciji i uvjerenje o poreskoj registraciji sa ID brojem
 - ✓ Uvjerenje o izmirenim obavezama po osnovu poreza i doprinosa ne starije od 30 dana od dana podnošenja aplikacije sa listingom o trenutnom broju radnika (izdato od strane Porezne uprave Federacije Bosne i Hercegovine)
 - ✓ Uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdato od strane Uprave za indirektno oporezivanje Bosne i Hercegovine)
 - ✓ Plan i program izvođača obuke
 - ✓ Predračun troškova izvođača obuke
 - ✓ Prioritet imaju kompanije/centri sa sjedištem na teritoriji općine Novi Grad Sarajevo, a za obuku mogu konkurisati svi poslodavci/ centri iz BiH.

Član 21 **(Bodovanje aplikacija)**

Općina će odabir poslodavca za obuku, dokvalifikaciju i prekvalifikaciju vršiti na osnovu sljedeće bodovne liste:

Djelatnost poslodavca:

- | | |
|--------------------------|--------|
| a) Proizvodnja i turizam | 4 bod |
| b) Ostale djelatnosti | 2 boda |

Nivo iskazane potrebe za radnicima:

- | | |
|------------------|--------|
| a) Do 3 osobe | 1 bod |
| b) Od 4-7 osoba | 2 boda |
| c) Od 8-12 osoba | 3 boda |

Trenutni broj zaposlenih:

- | | |
|-------------------------|--------|
| a) Do 5 zaposlenih | 1 bod |
| b) Od 6-12 zaposlenih | 2 boda |
| c) Od 13-18 zaposlenih | 3 boda |
| d) 19 i više zaposlenih | 4 boda |

Sjedište poslodavca/centra:

- | | |
|----------------------------------|--------|
| a) Na općini Novi Grad Sarajevo | 4 bod |
| b) Na ostalim općinama/gradovima | 2 boda |

Ukoliko dva ili više poslodavaca/centara imaju isti broj bodova, prednost se daje poslodavcu/centru koji je prije podnio aplikaciju za učešće u Programu.

Verifikovana lista se objavljuje javno na web stranici Općine i JU Službe za zapošljavanje KS radi informisanja zainteresovanih nezaposlenih osoba o mogućnosti obuke (dokvalifikacije i prekvalifikacije).

Član 22 **(Korisnici podsticajne mjere)**

Korisnici mjere su poslodavci /centri prioritarno sa sjedištem na teritoriji općine Novi Grad Sarajevo.

Odabir nezaposlenih osoba- krajnjih korisnika za obuku, dokvalifikaciju i prekvalifikaciju, bez obzira na radno iskustvo, koji su prijavljene na evidenciji Biroa za zapošljavanje Novi Grad Sarajevo, vrši poslodavac/centar po prijavi nezaposlene osobe odnosno uz posredovanje JU Službe za zapošljavanje KS.

Član 23 **(Način finansiranja)**

Na osnovu sklopljenog Ugovora s poslodavcem/centrom i dostavljanja dokazne dokumentacije:

- certifikata, potvrde ili drugog validnog dokaza da je nezaposlena osoba završila obuku,
- izvještaja o provedenoj obuci od strane poslodavca/ centra,
- te dokaza da je osoba koja je prošla obuku, dokvalifikaciju i prekvalifikaciju primljena u radni odnos na minimalno 6 mjeseci, za sve osobe koje su obučene kod poslodavca, odnosno za 70 % obučениh osoba u centru ukoliko je obuka, dokvalifikacija i prekvalifikacija podrazumijevala 5 osoba i više, a 100% upošljavanje za ispod 5 osoba,

a na zahtjev nadležne Službe sufinansiranje troškova se vrši kumulativno na kraju perioda i to:

- za poslodavce – plaćanjem 1.500 KM po osobi po okončanju obuke i dodatnih 1.500 KM po osobi nakon 6 mjeseci rada,
- za centre– 1.500 KM po osobi nakon verifikacije obuke (dokvalifikacije i prekvalifikacije) i upošljavanja predviđenog broja obučениh osoba.

Član 24 **(Uslovi za realizaciju podsticaja)**

Isplata podsticaja ugovorenom poslodavcu/centru vrši se podnošenjem zahtjeva nadležnoj Službi, uz dostavljen broj računa u poslovnoj banci na koji će se sredstva doznačiti i prilaganjem dokazne dokumentacije:

- ❖ Za poslodavce:
 - Izvjaštaj o provedenoj obuci
 - Potvrda ili drugi validni dokazi o provedenoj obuci
 - Lista obučениh osoba
 - Dokazi o upošljavanju obučениh osoba (odjava s evidencije nezaposlenih, prijava iz Porezne uprave)
 - Zaključen Ugovor o radu sa obučениm osobama na minimalno 6 mjeseci
 - MIP obrasci za 6 mjeseci rada
 - Obrasci 2001 za 6 mjeseci rada
 - Ovjerene platne liste za 6 mjeseci rada
 - Izvodi iz banke s vidljivim uplatama plaća, poreza i doprinosa.
- ❖ Za centre za obuku (dokvalifikaciju i prekvalifikaciju):
 - Izvjaštaj o provedenoj obuci
 - Certifikat, potvrda ili drugi validni dokazi o provedenoj obuci
 - Lista obučениh osoba
 - Dokazi o upošljavanju obučениh osoba (odjava s evidencije nezaposlenih, prijava iz Porezne uprave i Ugovor o radu s poslodavcem).

Sufinansiranje troškova samostalnih poduzetnika - početnika u biznisu

Član 25 **(Procedura provedbe mjere)**

S ciljem povećanja broja samostalnih poduzetnika i održivog samozapošljavanja kroz pokretanje vlastitih biznisa, ova podsticajna mjera je namijenjena pružanju potrebne podrške novim obrtima, trgovinskim i/ili ugostiteljskim radnjama registrovanim u tekućoj godini. Nadležna Služba putem otvorenog javnog poziva, a do utroška sredstava, za prve 2 godine obavljanja djelatnosti, kvartalno sufinansira troškove poslovanja novoregistrovanih obrta, trgovinskih i/ili ugostiteljskih radnji.

Član 26 **(Korisnici podsticajne mjere)**

Korisnici zahtjeva za sufinansiranje su:

Obrti, trgovinske ili ugostiteljske radnje registrovane za obavljanje osnovne djelatnosti u nadležnim općinskim Službama počev od 2018. godine, osnovani od strane lica koja imaju prebivalište na teritoriji općine Novi Grad Sarajevo, a koji po istom osnovu nisu koristili podsticaje od drugih institucija (Kanton Sarajevo, Federacija BiH).

Član 27 **(Uslovi isplate podsticaja)**

Sufinansiranje podsticaja se vrši na zahtjev nadležne Službe putem tipskog Ugovora uz prilaganje dokazne dokumentacije:

- uvjerenje o mjestu prebivališta (CIPS)
- ovjerenu kopiju rješenja o registraciji djelatnosti iz nadležne općinske Službe
- kopiju Uvjerenja o poreznoj registraciji (ID broj),
- kopiju prijave na obavezna osiguranja u Poreznoj upravi Federacije BiH (obrazac JS 3100),
- broj računa registrirane djelatnosti u poslovnoj banci na koji će se sredstva doznačiti.

U slučaju povećanog broja zahtjeva za sufinansiranje, prednost pri isplati podsticaja će imati lica s prebivalištem na teritoriji općine Novi Grad Sarajevo, koja su registrovala obrtničku, trgovinsku ili ugostiteljsku djelatnost također na teritoriji općine Novi Grad Sarajevo.

Sve pristigle prijave koje, zbog ograničenih finansijskih sredstava, ne budu obuhvaćene u tekućoj godini, će se prenijeti i planirati Budžetom za narednu godinu.

Član 28 **(Način i visina finansiranja)**

Isplata podsticaja se vrši kvartalno, po standardu JU Službe za zapošljavanje KS i to ukoliko je nezaposlena osoba koja je pokrenula obrt, trgovinsku ili ugostiteljsku radnju :

muškarac:

- Za 1. godinu poslovanja: 220 KM mjesečno
- Za 2. godinu poslovanja: 140 KM mjesečno

žena:

- Za 1. godinu poslovanja: 220 KM mjesečno
- Za 2. godinu poslovanja: 170 KM mjesečno

Podrška za uvođenje certifikata, međunarodnih standarda i dr.

Član 29 **(Procedura provedbe mjere)**

Mjera se provodi putem stalno otvorenog javnog poziva, do utroška sredstava za tekuću Budžetsku godinu, za privredna društva s teritorije općine Novi Grad Sarajevo, a za sufinansiranje certificiranja proizvoda, usluga, proizvodnih procesa ili jačanje poslovnih performansi i realizacije razvojnih projekata kod akreditovanih Agencija za certificiranje na nivou BiH, u visini do 50 % troškova unaprijeđenja, a maksimalno do 2.000 KM po privrednom društvu.

Cilj podsticajne mjere jeste pružiti podršku brzorastućim privrednim društvima za postizanje veće konkurentnosti na tržištu rada i/ili izlaskom na inostrano tržište.

Član 30 **(Uslovi isplate podsticaja)**

Realizacija isplata se vrši podnošenjem zahtjeva nadležnoj Službi, putem Ugovora i prilaganjem dokazne dokumentacije o ispunjenju poslovnog unaprijeđenja (certifikat, potvrda i dr).

Zahtjevi za sufinansiranje će se cijeliti shodno hronološkom redosljedu pristiglih prijava.

Podrška očuvanju starih tradicionalnih zanata, obrta i deficitarnih zanimanja

Član 31

Mjera se realizuje na tri načina:

1. Putem javnog poziva za strukovna Udruženja i Komore iz sektora starih tradicionalnih zanata, obrta i deficitarnih zanimanja za predaju projektnog koncepta za sufinansiranje. Odabir se vrši putem posebno formirane Komisije za 5 najboljih projektnih ideja na teritorije općine Novi Grad Sarajevo i to sa predviđenim nagradama u iznosima od:
 - 1. nagrada 2.000 KM
 - 2. nagrada 1.500 KM
 - 3. nagrada 1.000 KM
 - 4. i 5. nagrada po 500 KM.
2. Putem stalno otvorenog javnog poziva do utroška sredstava obrtima u svrhu očuvanja starih zanata za potrebe sticanja formalno potrebnog zanimanja obrtnika. Podsticaj za obezbjeđenje potrebne kvalifikacije po aplikantu iznosi najviše do 2.000 KM.
3. Putem organizacije specifičnih promotivno-turističkih događaja na teritoriji općine Novi Grad Sarajevo od šireg značaja, ukupne vrijednosti do 3.000 KM.

Promocija privrede i lokalnog ekonomskog razvoja

Član 32

Mjera se realizuje u pet pravaca:

- Medijska kampanja kojom se promovisu podsticajne mjere Općine za privredu i zapošljavanje putem billboarda, hafiša i sl,
- Organizacija samostalnih privrednih manifestacija, sufinansiranje učešća u značajnijim privrednim manifestacijama drugih organizatora i ostali projekti od značaja za privredu,
- Promocija održivosti BFC sertifikata (Business friendly community) – Općine s povoljnim poslovnim okruženjem,
- Izrada specifičnih promo-materijala (video materijal, zakup oglasa u specijalnim printanim izdanjima i dr.),
- Promocija turističkih kapaciteta i kapaciteta privrednih/industrijskih zona.

Realizacija mjera se vrši tokom godine, na prijedlog Službe za privredu i lokalni ekonomski razvoj i Službe kabineta Općinskog načelnika.

Projekti od značaja za lokalni ekonomski razvoj

Član 33


Ova mjera se realizuje shodno potpisanim aktima i dostupnim fondovima u visini do planiranih Budžetskih sredstava na godišnjem nivou i jasnim dinamičkim planom realizacije odobrenih partnerskih projekata.

Završne odredbe

Član 34

Ovaj Pravilnik stupa na snagu danom donošenja.

Broj predmeta 02/03-28-8446/18
Sarajevo 12.01.2018



Općinski načelnik
mr. Semir Efendić